

五邊典則

顧廷龍署



五邊典則

周禮卷之四

五邊典則卷之十四

信安徐日久子卿父集

勾餘施邦曜爾

閩漳張

燮紹和

成化二十一年五月巡撫寧夏都御史崔讓

等奏於平虜城東兒溝增築邊牆一道塞堡

一座墩臺三座廣武營移築墩臺一座中衛

河南增築墩臺三座移築三座兵部請從其

奏報可

八月初巡按陝西御史朱瓚奏固原靖虜洮

岷河蘭等處北通胡虜南近番夷實西北要
衝之地每河水冬合雖調兵防守至春復還
猝難策應宜令總兵白珪專駐固原等處兵
部行陝西守臣議巡撫都御史鄭時等言瓚
所奏誠備邊遠慮但終南漢中距陝西千餘
里僻居西南萬山之中流移嘯聚關係匪輕
亦難無備宜令珪先冬而往春盡始還兵部
覆奏珪居陝西道里適均可以節制終南等
處若僻守固原靖虜脫內郡有警各將安歸

况屯兵旣衆餉饋難繼不若仍舊爲便

上是之

二十二年正月巡撫陝西都御史鄭時等奏
比據分巡僉事李經言聞虜衆萬餘潛住花
馬池境外欲乘隙入寇固原等處寧夏花馬
池與榆林接壤虜不於此入而深入固原固
原極臨黃河無險可恃兼糧寡兵弱故也已
馳報協守寧夏都指揮僉事劉文分守涼州
都指揮同知李寬等率衆赴援事下兵部言

宜如經議李寬近方被逮宜暫從寬宥令馳
赴蘭州等處就糧屯駐更

勅大同遊擊將軍董昇領所部遊兵三千駐清
水營以爲固原聲援從之旣而大同總兵都
督同知王璽等奏大同三路俱有警報豐州
等處烟火不絕而延綏乃報虜警漸息葢虜
乘河水未泮取道東歸勢必至此戰守之計
重於他處乞留董昇遊兵本處防禦事復下
兵部言宜移文兩地鎮守巡撫等官視虜果

東行則昇等兵宜掣回餘軍俱還本鎮如河
開不退仍如原調之策協守捍禦從之

二月巡撫甘肅都御史唐瑜等奏鴻臚寺主
簿馬儀比往使哈密與土魯番使臣家屬四
百餘人行遇罕東衛都督把麻奔等率衆邀
劫財畜儀等避之僅以身免宜捕元兇以正
其罪但聞虜酋亦思馬因與尾刺通和欲犯
瓜沙二州方擬防守難遽興兵請

賜裁處事下兵部言宜令鎮守等官遣人撫諭

罕東諸夷許如蕃族體例講和責令把麻奔等悉還所虜番使財物如冥頑不服奏聞再議從之

三月巡撫陝西都御史鄭時奏今年正月虜賊深入臨洮金縣殺掠軍民三千餘人牛羊畜牧以萬計守備蘭州太監藍蕙都指揮僉事于昇弛備召寇畏縮缺兵俱屬有罪事下兵部言蘭州等處自去冬以來累有虜警嘗令巡按御史覈藍蕙于昇罪今虜復深入殺

掠不知幾千萬數而兩月之間不聞一人一
騎少過其鋒宜令巡按御史併加勘究自蘭
州安定一帶被虜之地失誤提督守瞭墩臺
等官悉從逮問守備太監藍蕙等官亦係失
機而都指揮于昇情罪尤重俱宜究治且蘭
州自黃河迤北西至涼州莊浪東接寧夏中
衛相去三百餘里爲虜賊屯牧之場河南自
州界東連靖虜亦三百餘里俱缺墩臺守瞭
宜令鎮守巡撫等官督屬按視某處可設城

五邊典則 卷十四 四
堡屯聚兵糧某處可修築臺寨拘收人畜一切禦虜安邊之策馳奏舉行

上是之曰于昇情罪尤重可逮問藍蕙戴罪殺賊蘭州安定地方令通查失誤之人究問明白以聞未幾時復言虜自去冬乘冰渡河先遣黠僧僞爲僧竊入蘭州覘我無備是以深入蘭州安定境內殺掠軍民男婦及馬牛羊畜一萬三千有餘去而復來無復畏忌提督哨守千百戶等官李春等俱閉門自守罪宜

寃治因復劾藍蕙于昇旣不能愼固封守防
詰姦細又不能整飭兵備捍禦生民時昇蕙
已得

旨裁處兵部謂李春等俟覈實安定失機之人
併問如律從之

四月兵部郎中王祿奏比奉

勅至延綬等處營堡查勘虧欠官馬共五千餘
匹已用給賜官價八千兩督付所司買補并
措置三千餘匹給軍之外餘欠一千九百餘

匹例應免追乞暫借比給延綏雜銀一萬三千六百餘兩買補徐以太僕寺徵收馬價銀補還事下兵部言糧銀以濟邊儲難於移貸宜先給予太僕寺見貯馬價七千兩餘令於苑馬寺茶馬司等處從宜區畫從之

六月巡撫甘肅都御史唐瑜等奏虜寇出沒莊浪者多自東北而來其寇涼永者則滿都魯部下寇甘肅者則亦思馬因等曾部下也虜之出沒路徑旣多我軍惟蘭州一路不據

而守使虜知先據河橋則我之援餉俱絕爲
今之計宿重兵於蘭州加輕兵於古浪鎮番
鎮夷高臺等處而又嚴備肅州且遣人往諭
哈密都督罕慎使原結小列禿因之招誘亦
思馬因等曾至彼屯聚毋令東行爲我邊患
則戰守舉得其要矣事下兵部言彼地虜衆
多不過數千使守將能運謀振武則本鎮兵
力足以禦之矧河凍之後自蘭東抵神木俱
須兵分布難以分調宜移文瑜等第閱境內

王邊典則 卷十四 六
精兵分布要害其招誘諸夷之計宜從其便
報可

七月唐瑜奏黠虜寇邊歲久知我虛實近覘
山丹兵備單弱擁衆突入殺虜軍民五十餘
人後見甘州大兵追近輒棄所掠人畜而遁
官軍出追不復與戰及我軍馬分屯永昌山
丹等處則又乘隙潛至甘州迤北伏兵邊外
故遣輕騎入內誘我遠追逐殺指揮姚英柳
濟百戶楊泰及旗軍等十有七人傷指揮朱

王等四十二人掠男婦六人以去請治提調
墩臺千戶等官融春等失機之罪而錄英濟
等戰沒之功事下兵部行巡按御史勘處因
劾瑜等節制無方亦合逮治

上曰甘肅境內被虜殺掠者數矣今總鎮處所
又亡失數多守邊者當不職如是耶瑜等自
陳至日其併上總兵焦俊罪狀處之

鎮守甘肅總兵焦俊奏哈密都督罕慎遣人
來報虜酋瓦剌克捨弁亦思馬因已死兩部

人馬散處寨下而克捨部下立其弟阿沙亦
爲太師阿沙之弟曰阿力古多者與之有隙
率衆至邊欲往掠其肅且脅罕慎欲與和親
瓦剌小列禿聞之亦欲移至瓜沙二州潛駐
報至已議行肅州右叅將李俊遣譯往諭罕
慎勿與親和兼留小列禿在彼住牧又報赤
斤罕東二衛令整兵防禦勿懷貳心且益肅
州兵以防衝突之患事下兵部言所處已善
宜仍分遣譯者赴哈密及赤斤罕東復申前

諭又通行甘肅各路整飭邊防從之

八月陝西守臣奏於臨洮鞏昌二衛各選指揮千戶一員精壯官軍四百人歲以十一月詣蘭州靖虜新設墩臺城堡按伏截殺至次年冰解之後遣還休息甘肅二衛仍撥軍餘百人百戶二人分守各堡時加偵望又擇洮岷河州及西安等衛原戍固靖騎步兵各千人委把總指揮二人歲以十月各詣蘭靖要害會各所調臨鞏兵防禦警急事下兵部覆